

# КУГЕШНЫМЕ КУМЫЛ ДЕНЕ

Тиде кечылаште Унчыш миен, «Ўжаран Унчо велне» (Й-Ола, 2017 ий) книгам налын тольым. Шергал лектым. Куанлан, кугешнымаш кумыллан мучаш уке! Моло семын лийынжат ок керт: вет шкежат кугу Унчышто шочын-кушкынам, сай туныктышо-влакын икшывышт лийынам. Палем: ожнысекак мемнан всл калык пашаче, йомартле кумылан, шке кугезе чий всражым кызытат пенгыдын куча. Эше мо куандара: ондак Епри Япк (Они изай ден Аркадий эре «Йип-Як» манят ыле) тукум отыш лекме годым Епиш чўчў кугурак семын пелешта ыле, кызыт кугезе уныкаже (Яковлев Анатолий Аркадьевич) кумалме радамым шукта.

Пашаче калыкым колхозыштат, сельсоветыштат ушан-шотан ен-влак моштен вуйлатеныт. Савин Григорьевичымат, Иосиф Оразасвичымат, ревизионный комиссий вуйлатыше Чопчий Епишымат, Василий Андреевичымат палем. Акам, С.Пайгашева, шуко жап правленийыште арулыкым эскерышылан ыштен. Икана Василий Андреевич йўдым толын пурыш, кидше чыла вўранын пытен, имныжым суас пасушто пире-влак поктеныт. Йбра, колхоз имне виян лийын, утлен кертеныт.

Эше шарнем, Ион Веня, Ямбатыр Эчук деч ончыч, йоча годым, Авакыр пасушто чодырам пўчкын

илыше салтак частыш «кава йымалсе» кино ончаш куржталынна. Який Кыргорийын кучымо вўдвакшыш уржам, полтым йонгышташ вовой дене коштымна, «кужу» Праскан тамле вакшкинде (паренге деч посна) дене чайым йўктен колтымыжо, вакш чонгата гыч Кыргорий Висарий изайын локомотив гудокшо торашке йонгалтмыже эрслан ушеш лодемалт кодыныт. А Яштрик Васлийын электростанцийже, корем вўд воктенысе кок сушилкыже, «Кировец» трактор дене тўен опымо силос лакыже, Овром Пўтырын столярный мастерскойжо, ... - чылажат шарналташ веле кодеш. Кызытсе «Передовик» озанлык вуйлатыше Юрий Арсентьевич Игнатъевым (ачаже классный руководитель лийын) шинчаваш ужын омыл. «Марий Эл» газетыште Юрий Исковын возымо материаллаже гыч палем: кугу мудреч-философ, тыгай озалан пенгыдын ўшанаш лисш. Икоян калык дене ыштыме пашаже воранен шогыжо, таза лийже. Тыгаяк тыланымашем книгам лукмо пашашке кугу надырым пыштыше Иван Михайлович Евсеевлан да тудлан полшышо-влакклан каласынем. Кугу тау чылаланат. Тек Унчо калык ўжаран велне пиалан илыш дене ила да пашам ышта.

*Исакович*

Е.АЛЕКСЕЕВА.  
Тошметсола.